

## Transkription von Urkunde ASL 1382b

Ort, Datierung: Aschersleben, 1382-11-10

Signatur: Stadtarchiv Aschersleben, U86

Inhalt: Curt von Nyenburch: Urfehde

Jk curt von nyenburch be ken(n)e indiss(em) b(re)ue dat ik dy ernbarn wysen lude dy burg(er)meste(re) vn(de) / ratman(n)e der stede halb(e)r(stad) quedli(n)gb(u)r(ch) vn(de) asschersle(ue) alle ere burg(ere) vn(de) ge sinde dýe dar in(n)e / wonen vn(de) noch wonende w(or)den vn(de) dy vor nomen(d)e knapin herman(n)e vo(n) agkinby arnde / stameren vn(de) alle ere ge sinde vn(de) dar na alle dy vo(n) diss(en) vor na(n)te(n) steden vn(de) vn(de) vo(n) ma(n)schap / wegen mede ge west sint ledich vn(de) los hebbe ge late allir ansp(ra)ke andedi(n)ge vn(de) schaden dye / jk mochte ge hat hebben vn(de) hebbe an diss(en) vor na(n)t(en) luden vm mynes geve(n)gniss(es) weg(en) vn(de) / schaden den jk ge nome(n) hebbe dar v(a)n vn(de) myner haue also dat ik des num(m)er mer ge de(n)gke(n) schal met arge vn(de) num(m)er mer wreken schal an diss(en) vor na(n)t(en) luden met worden noch met / w(er)ken mýt fru(n)den noch met fromeden noch neyn ma(n) von myner weg(en) . dat dit diss(en) / vo na(n)t(en) radismeste(re)n vn(de) rade vn(de) dar na den erbarn lude(n) mynes here(n) man(n)e(n) vo(n) halb(e)r(stad) / vn(de) dar [...] <sup>1</sup> vo(n) erer wege(n) dar met sint gewest stede vast vnvorbroke(n) haldin / w(or)de dat loue jk en in truwen stede vast tũ haldene an allen hinder vn(de) tũ merer wyssenheyt / so sette jk en myne na beschreve(ne) fru(n)d tũ burg(en) vn(de) we(ret) dat der jen(n)ich af ginge by / myne(n) leue(n)de so schal jk en eynen arndern so guden burg(en) setten in des stede dy af gegang we(re) / von stadan alse jk gemanet worde des vn(de) scal loue(n) in syne(n) sunderleken b(re)ue . dar met schal / disse brief nich ge broken syn . Vn(de) wy hans peper vn(de) heyne peper be ken(n)e(n) i(n) diss(en) b(re)ue / dat wy alle disse vor schreuen stücke hebbe(n) ge louet vn(de) loue(n) vor geschreue(n) curde von / nyenburch vnse(n) fru(n)d vn(de) met em stede vast vn(de) vnvorbroken tũ halden in diss(en) b(re)ue an allirleye / argelist dissin vor schreue(n) burg(er)meste(re)n ratman(n)e(n) vn(de) ma(n)schap . vn(de) hebben en des tũ orku(n)d / dissin bref dar op gheue(n) beseg(elt) met hans <sup>2</sup> pepers inges(egele) . dar wy curt vn(de) hans ok vnder / loue(n) . dat is ge schyn vn(de) disse brief is ge geue(n) na goddis bort dretteyn hundert jar / in dem twen vn(de) achtentigsten jare in sunte mertens aue(n)de des [hil]ge(n) bisschops vn(de) heren

<sup>1</sup> Textverlust durch Loch im Material

<sup>2</sup> über der Zeile übergeschrieben; dafür Name in der Zeile getilgt